



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Litterae Regis Ottonis illustris in Romanorum Imperatorem electi ad
Dominum Papam.

urn:nbn:de:hbz:466:1-20006

In eundem modum Potestatis, Consulibus, & populis civitatum Tusciae ad imperium perimentium.

VVALTERO PATRIARCHÆ
Aquelegensi.

Epiſt. 186.

Gratum gerimus & acceptum quod ad mandatum nostrum carissimo in Christo filio nostro illustri Regi Ottoni in Romanorum Imperatorem electo fideliter adhaesisti, quodque ad mandatum ipsius suscepisti legationem pro ipso in Italia exercendam, cum pro certo credamus quod hujusmodi legationis officium ad honorem & profectum tam Ecclesie quam imperij tamquam mediator idoneus intendas utiliter exercere. Ut autem id validius exequaris, ecce juxta petitionem tuam scribimus Potestatis, Consulibus, & populis civitatum Lombardiae ac Tusciae ad imperium pertinientium prout magis vidimus expedire. Super eo verò quod de terra Comitissae Mathildis nobis per latorem praesentium intimasti, hoc tibi duximus respondendum, ut eam ex mandato predicti Regis repetas nomine nostro, & ad opus Ecclesie Romanæ recipias, si fuerit restituta, cum idem Rex eam nobis recuperare promiserit, sicut appareret ex rescripto litterarum suarum, quarum tenorem praesenti pagina tibi mittimus interclusum; quem per omnia te volumus observare, ne contra promissum ipsius & contra ius nostrum te forte, quod absit, venire contingat. Ego OTTO &c. ut supra epist. lxxxvi. usque Lodoysi. Datum Laterani &c. ut supra.

LITTERÆ REGIS OTTONIS
illustris in Romanorum Imperatorem electi.
ad Dominum Papam.

Epiſt. 187.

Reverendo in Christo Patri Domino Innocentio sacrae Romanae Ecclesie summo Pontifici, Otto Dei ac sui gratia Romanorum Rex & semper Augustus, salutem & debitum filialis dilectionis affectum. Nuntij nostri M. Notarius noster & magister Hug. Capellanus noster, quos ad vestram destinaveramus præsentiam, ad nos reveri, nobis intimarunt cum quanta ipsis receperitis alacritate, & quod exaltatio nostra & honoris nostri promotione, quam per eos intellexistis, & gaudium vobis multiplex generavit & de aggritudinis molestia, qua tenebamus, perfonam vestram, ad pristinam reduxit sanitatem. Quapropter paternitati vestre immensas exsolventes gratiarum actions, scire vos volumus certissime quod optatos eventus nostros post Deum vobis adserimus, & omnem gloriam qua divina nos dignata fuerit clementia, sublimare cum Romana Ecclesia habere semper cupimus pro indiviso, non immerito perpendentes quod ipsa nullo usquam in tempore suum nobis subtraxerit auxilium & favorem. Siquidem vestra sanctitati duximus intitulum à quibusdam veridica nos accepisse relatione quod filius Imperatoris Henrici damnum & malum nobis velit, & ut nostram & imperij turbare valeat quietem, idem quoque potest & precibus & promissis ad hoc inducit & hortatur. Vnde cum in imperij tranquillitas & regia eminencia finalis promotio à vestra adhuc, sicut haec tenus, prudente videatur, apostolatus vestri equitate omni precum instania rogamus & monemus, supplicantes vobis quatenus prefato puro consilium & auxilium vestrum ad sua contra nos subtrahatis negotia, & ea quæ sibi ad praesens expedire possint, sicut de vobis con fidimus, nullatenus faciat, sicut nobis & vobis utile erit, usque dum Deo auxiliante nos ad partes Italie & ad vos veniamus, perfonales vobiscum colloccutur. Sicut enim hucusque in negotiis imperij per omnia vestris obtemperavimus consilii & mandatis, sic quoque deinceps quocunque iusseritis non reculabimus; & si Deus ali-

quando optata presencia vestra copiam nobis dederit, nos iuxta consilium vestrum pro communi commodo & pace Ecclesie cum sepefacto puto ad honorem imperij & ipsius componere curabimus utilitatem. Cetera praefictum latior dilectus filius familiaris Notarius noster magister H. cuius dictis fidem adhibeatis indubitatem.

ILLVSTRI REGI OTTONI
in Romanorum Imperatorem electo.

Epiſt. 188.

Cum carissimus in Christo filius noster Fredericus Sicilia Rex illustris tam ex paterna quam materna dispositione finali sit apostolice curæ ac tutelæ relictus, ipseque totum regnum Sicilia à Romana teneat & recognoscet Ecclesia, sicut idem nobis, tamquam vassallus domino, ratione fidelitatis debet astringi, sic nos eidem, tamquam dominus vassallo, ratione legalitatis debemus adesse. Vnde super iis quæ ad regnum ipsius pertinere noscuntur nec volumus nec debemus ei nostrum subtrahere auxilium vel favorem, cum secundum Apostolum omnibus simus in justitia debito. Porro nec ipsi nec alij nostrum contra te dispositi mus favorem vel auxilium impetriri, quem tantopere studiimus promovere; cum pro certo speremus quod, sicut per tuas nobis litteras intimasti, tuos optatos eventus post Deum nobis adcribas, & omnem gloriam qua te divina dignata fuerit clementia sublimare cum Romana velis Ecclesia pro indiviso semper habere, absque dubio recognoscens quod deficientibus ceteris, ipsa tibi nunquam subtraxerit, sed suum semper intenderit auxilium & favorem. Recepis igitur & intellectis apicibus quos per dilectionem filium latorem praesentium regalis nobis sublimitas destinavit, hoc tibi duximus rescribendum, quod de plenitudine gratiae nostræ securus, de qua nec debuisti nec debes aliquatenus dubitare, tuam secundum Deum exerceas potestatem; cum quo si corde puro recte processeris, ipse in viam salutis & pacis dirigit gressus tuos. Datum Laterani vi. Idus Martij, pontificatus nostri anno duodecimo.

SACRAMENTVM FIDEI AB
Ottone exhibitum.

Epiſt. 189.

In nomine sanctæ & individuæ trinitatis. Otto quartus divinae favente clementia Romanorum Rex & semper Augustus. Recognoscentes ab eo nostra promotionis donum misericorditer processisse à quo est omne datum optimum & omne donum perfectum, ipsum ejusque vicarium & sponsam ejus sanctam Ecclesiam dispoluimus & decrevimus magnifice honorare; ut qui nobis in praesenti temporali consulit regnum, in futuro quoque tribuat semper. Proinde vobis, reverendissime Pater & Domine summe Pontifex Innocenti, quos pro multis beneficiis nobis impensis sincerissime veneramus affecto, vestrisque catholici succelloribus & Ecclesia Romana omnem obedientiam, honorificentiam, & reverentiam semper humili corde ac devote spiritu impendemus quam prædecessores nostri Reges & Imperatores catholici vestris antecessoribus impendisse noscuntur; nihil ex iis volentes diminui, sed magis augeri, ut nostra devotio clarius enieretur. Illum igitur abolete volentes abutum quem interdum quidam prædecessorum nostrorum exercuisse dicuntur in electionibus Prelatorum, concedimus & facimus ut electiones Prelatorum liberæ ac canonice fiant; quatenus ille preficiatur Ecclesie ydudatæ quem totum capiendum vel major & senior pars ipsius duxerit eligendum, dummodo nihil ei obstet de canonice institutis. Appellationes autem in negotiis & causis ecclesiasticis ad apostolicam fidem libere